

Na osnovu člana 13. stav 2. tačka 17. Zakona o principima lokalne samouprave u Federaciji Bosne i Hercegovine («Službene novine F BiH» broj 49//06 i 51/09) i člana 17. stav 1. tačka 29. Statuta općine Doboj Istok ("Službene novine općine Doboj Istok", broj: 05/08) Općinsko vijeće općine Doboj Istok na 28. redovnoj sjednici održanoj dana 27.06.2023. godine donosi

## **O D L U K U**

### **o izmjenama i dopunama Poslovnika o radu Općinskog vijeća Doboj Istok**

#### **Član 1.**

U Poslovniku o radu Općinskog vijeća Doboj Istok - Prečišćeni tekst ("Službene novine općine Doboj Istok" broj: 01/22) član 35. mijenja se i glasi:

„Izbor članova stalnih radnih tijela vrši se u skladu sa posebnom odlukom o kriterijima za izbor i imenovanje koju donosi Općinsko vijeće, u principu na prijedlog komisije koja je nadležna za izbor i imenovanje.

Opći uslovi za izbor članova radnih tijela u Odluci o kriterijima sadržavat će odredbe po kojima će se angažovanje lica u radnim tijelima dodijeliti stručnim i uglednim građanima, s tim da pri izboru članova kod jednako rangiranih kandidata, prednost imaju pripadnici manje zastupljenog pola, pripadnici nevladinog sektora i marginaliziranih grupa (nacionalne manjine, lica sa invaliditetom, povratnici). Izbor članova stalnih radnih tijela na prijedlog komisije koja je nadležna za izbor i imenovanje odlukom vrši Općinsko vijeće

#### **Član 2.**

U članu 55. Iza stava 3. dodaje novi stavovi 4. i 5. koji glase:

(4) Općinski vijećnik obavještava sekretara Općinskog vijeća na koji način želi da mu se vrši dostava poziva sa materijalom (na e-mail ili lična dostava štampanog materijala).

(5) Poziv sa materijalom za sjednicu Općinskog vijeća Doboj Istok objavljuje se na Oglasnoj tabli općine Doboj Istok i Web stranici općine Doboj Istok.

#### **Član 3.**

U poglavlju IX –odnosi vijeća i općinskog načelnika, odjeljak 2. Vijećnička pitanja mijenja se i glasi: **VIJEĆNIČKA PITANJA I INICIJATIVE**

**Član 4.**

*Iza člana 158. dodaju se novi član i to 158.a., koji glasi*

**Član 158.a.**

*U ostvarivanju vijećničke funkcije vijećnik ima pravo i na podnošenje vijećničkih inicijativa. Vijećnička inicijativa se podnosi pismeno preko sekretara Općinskog vijeća, najkasnije tri dana prije održavanja sjednice Općinskog vijeća, a može i pismeno podnijeti na sjednici Općinskog vijeća. Do same sjednice Općinskog vijeća pribavlja se mišljenje od općinskog načelnika po pokrenutoj vijećničkoj inicijativi, a za inicijativu pokrenutu na sjednici Općinskog vijeća mišljenje općinskog načelnika pribavlja se do naredne sjednice Općinskog vijeća. Po dostavljenom mišljenju o pokrenutoj vijećničkoj inicijativi raspravlja se na sjednici Općinskog vijeća.*

**Član 5.**

*Ova Odluka stupa na snagu danom donošenja, a objavit će se u "Službenim novinama općine Doboј Istok".*

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA DOBOJ ISTOK  
OPĆINSKO VIJEĆE**

Broj: 02- 04-941/23  
Datum, 27.06.2023. godine



**PREDSJEDAVAJUĆI  
OPĆINSKOG VIJEĆA  
Nusret Dautović**